

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

De secundo

[urn:nbn:de:bsz:31-126133](#)

Dominica IV. Ad-ventus.

30
ad mortem, & reportabis coronam vitæ,
Apoc. 2. v. 10. Dic cum Ecclesia:
Verbum perennat firmiter,
In gratiis ipsorum,
Est ipse nobis jugiter,
Cum gratia donorum:
Si corpus occidunt,
Et omnia rapiunt,
Omitte tu lætus
Est quæstus his nullus
Regni Dei tu certus.

Rex Navarræ sponsæ suæ arrham dona-
bat anulum, pretiosissimo Adamante insi-
gnitum, in quod Sol & Luna sculpta erant,
his verbis in circumferentia adjectis: Se-
mnel, simul, semper.

Christus cœlestis noster sponsus est, qui
nobis se despensavit, Os. 2. v. 19. idèo simi-
lem amorem & fidem à nobis exigit, ut sti-
pulationem bonæ conscientiæ, quam eum
eo in baptismo semel fecimus, I. Petr. 3. v. 11.
non malitiose violamus, sed firmiter ser-
vens, servientes ei in justitia & sanctitate
eorū ipso, omnibus diebus vita nostræ,
Luc. 1. v. 75. qui enim perseveraverit usque
in finem, hic salvus erit, Matth. 10. v. 22.

De Secundo.

Sequitur nunc Medula, quæ derivatur
1. Ex Baptismi efficaciâ. Non enim
ibi mera aqua est, sed aqua verbo Dei in-
clusa, hæc pars præcipua & essentialis est,
quâ aqua sanctificatur, ut sit lavacrum re-
generationis & renovationis Spiritus san-
cti, Tit. 3. v. 5. idèo dicit Baptista: Ego ba-
ptizo in aqua: medius autem vestrūm ste-
tit, quem vos nescitis: ipse est, qui post me
venit, qui ante me fuit.

Hæc verba non Judæis modò, sed no-

bis quoque dicta putemus: imprimis verò
verbi ministri, qui Johannis munus in Ec-
clesiâ obeunt, auditores suos ita alloquan-
tur: Ego indignus Ecclesiæ minister pue-
rulos vestros in aqua baptizo: hoc opus
quasi humānum spectatis: verùm Serva-
tor in medio nostrūm est, eosque Spiritu
sancto baptizat.

Ocellus, ut fit, adspicit,
Effusio liquoris;
Sed Spiritu vim percipit
Christi fides crux;

Fluenta sanguinis rubra
Videntur hæc tuente,
Quæ cuncta sanant vulnera,
Accepta de parente,

Et quolibet patrante.

Et porrò:
Audite nunc, perpendite,
Baptismus ut vocetur,
Quid Christianus credere
Ut hæresis vitetur:
Adesse vult aquam Deus,
Ait non aquam vult meram,
Vult adsit ut sermo suus
Spirans medelam plenam,
Is hæc agit baptistam.

Hinc baptismi virtus est, ut operetur re-
missionem peccatorum, liberet à morte &
Diabolo, & largiatur salutem aeternam
omnibus qui id credunt, sicut verba &
promissiones Dei sonant. Qui enim credi-
derit & baptizatus fuerit, salvus erit, qui
verò non crediderit, condemnabitur,
Marc. 16. v. 16.

Nos semper baptismi fœdus memineri-
mus, hæc enim consolatio nostra in omni-
bus adversitatibus est, quod nomina nostra
in cœlo scripta sunt, Luc. 10. v. 20. quod fit
in

Dominica IV. Adventus.

31

in baptismo, ubi nova nomina accipimus,
ut non amplius vocemur filii irae, Eph. 2.
v. 3. sed filii Dei & coheredes Christi,
Rom. 8. v. 16. 17.

Imperator Augustus moriturus, conju-
gem suam Liviam osculatus est, dicens:
Livia nostri conjugii memor vive & vale!

Quodsi igitur jucundum est, quod con-
juges sibi invicem fidelitatem in coniugio
præstant: quan:ò magis nostri officii erit,
ut cœlesti sponte nostro fidem exhibe-
amus, semper fœdus reminiscentes, quod
cum eo in baptismo pepigimus. Non ob-
liviscaris mei Israel, ait ipse, Esa. 44. v. 21.
Respondeamus igitur: Si oblitus fuero
tui Jesu, oblivioni detur, dextera mea. Ad-
hæreat lingua mea fauibus, Pslal. 37. v. 5. 6.

II. Ex Christi in medio stantis gratia. Stat
enim in medio, ut indicet, esse le Mediator-
rem Dei & hominum, 1. Tim. 2. v. 5.

Prophetæ V. T. multa de Christo præ-
dixerunt, & Auditoribus suis promiserunt,
quod certò venturus sit: sed Johannes
eum venisse, & medium internos itare con-
firmat, quem Patriarchæ, Reges & Pro-
phetæ anxi desiderio expectarunt.

Nobis adhuc hodie consolationi id est.
Licet enim eo modo hodiè nobiscum non
sit, quo tūm cum Judæis versabatur: atta-
men pergit ille ambulare in medio septem
candelabrorum aureorum, Apoc. 1. v. 13.
Matth. 18. v. 20.

Moses fuit Mediator inter Deum & Is-
raelitas, cum lex in monte Sina promulga-
retur, Gal. 3. v. 19. Sic Christus Mediator
novi testamenti est, Hebr. 9. v. 15. qui quæ
in cœlis & in terris sunt, reconciliavit, pa-
acificans per sanguinem crucis per seipsum,
Col. 1. v. 20.

Quemadmodum enim Mediator ple-
rumque damnum pro præmio reportat:
sic & noster Mediator multa nostri causa
perpessus est, quin & cruci affixus, inter
maleficos numeratus est, Esa. 53. v. 1. Matt.
27. v. 38.

Agnoscamus igitur ardentissimum ejus
in nos amorem, dicentes cum pio Mona-
cho Hildegib, Isenaci innocentem incarce-
rato, cum sacram Cœnam perciperet: O
Domine JESU, tu venis ad me, & ego de-
berem venire ad te. Jam pleni fiducia di-
cere possumus: Justificari fide pacem ha-
bemus cum Deo, Rom. 6. v. 1.

Quando igitur, mi Christiane! esse co-
geris veluti in medio luporum, Matth. 10.
v. 16. juxta illud: Mitten wir im Leben sind
mit dem Tod umfangen / Mitten in dem
Tod ansicht uns der Höllen Rachen.
Mitten in der Höllen Angst unsre Sünd
uns treiben; consolari nos possumus,
quod Christus nobiscum sit, cum Davide
dicentes: Si ambulavero in medio tribu-
lationis, vivificabis me, Psal. 138. v. 7.

Caveamus modò, ne Judæorum vesti-
giis infistamus, qui Christum agnoscere
nolebant, ut in medio eorum consiste-
ret, alias exibit de templo, Joh. 8. v. ult. &
tandem cum virginibus fatus alloqueretur
nos: Non novivos, Matt. 25. v. 12.

III. Ex legitima vocationis gloria. Ubi enim
in responsō ejus, quod neque Christus, ne-
que Elias, neque Prophetæ sit, acquiescere
nolunt, sed interrogare pergunt: Quis es,
ut responsum demus his, qui miserunt nos?
respondebat ille ex cap. 45. v. 3. Esaix: Ego
vox clamantis in deserto: dirigit viae
Domini.

Hic audim⁹, quomodo Baptista vocatione
sua

Dominica IV. Adventus.

32

sua fulciatur, omnibus exemplum præbens,
ne scipios ingerant, sed vocationem suam
expectent. Nemo sibi ipsi sumit honorem:
sed qui vocatur à Deo, tanquam & Aaron,
Hebr. 5. v. 4.

Ante porticum templi Salomonis sta-
tutæ erant duæ columnæ, quæ vocabantur
Jachin, & Booz, 1. Reg. 7. v. 21. hoc ipso
præfiguratum est, quemlibet verbi Præco-
nem inter duas quasi columnas in tem-
plum intrare debere, ex unâ parte se confir-
mans verbo divino, quod prædicat: ex
altera parte, vocatione sua, si forte res ad-
versæ & tentationes exsurgant: secus ani-
mam suam justificare non poterit; & quis
honorificabit exhortantem animam su-
am? Sir. 10. v. 32. Non fortunat Deus labo-
res eorum, qui non sunt vocati, & quanquam
salutaria quedam afferant, tamen nihil adi-
cant, scribit B. Lutherus: Quomodo enim
prædicabunt, nisi mittantur, Rom. 10.
v. 15.

Legati Magnatum & Principum ex in-
struzione eorundem, non quod sibi com-
modum videtur, loqui renentur: Ita ver-
bi Præcones pro Christo legatione fun-
guntur, 1. Cor. 5. v. 20. idè instructionem
suam observantes, si quid loquuntur, quasi
sermones Dei loquuntur, 1. Petr. 4. v. 11.
non addentes quicquam, nec detrahentes,
Deut. 4. v. 2. h.e. non aliud prædicant
angelium, quam quod Apostoli prædicarunt,
Gal. 1. v. 18, sed fideliter custodiant
Scripturæ depositum, 2. Tim. 1. v. 14.

Hoc si fecerint, potentissimum defenso-
rem habent, qui enim illos tangit, pupillam
oculi ejus tangit.

De Tertio.

R Estat Cautela, quæ tribus absolvitur
Regulis, quarum

1. Confessionem ede. Hac in re Baptista
nobis exemplo suo laudabili præxit: Con-
fessus est enim & non negavit, & confessus
est, quia non sum ego Christus. Id ipsa
necessitas efflagitat. Credidi propter quod
locutus sum, Psal. 116. v. 10.

Quod si fidei confessionem rectè edere
velimus, fiat necesse est exemplo Joannis,

1. Intrepide. 1. Petr. 3. v. 13. 14. Sir. 4. v. 33.

2. Bibice. Johannes mediante testimo-
nio Scripturæ & quidem dicto Esaïæ con-
fessionem suam edidit, cap. 40. v. 3.

Idem fecit Paulus coram Rege Agrip-
pa, Act. 26. v. 22. Hac via tutissima est. Qui
piam doctrinam rectè custodierint, seu ob-
servaverint, Sancti reputabuntur, Sap. 6. 11.

3. Candidè, sine omni æquivocatione.
Johannes sub nomine Eliæ & Prophetæ
latere potuisset, quia ipse Christus cum
Prophetam appellat, Matth. 11. v. 9. 14.
& Archangelus Gabriel ex Mal. 4. v. 5. eum
ita descriperat, quod in spiritu & virtute
Heliæ præcessurus sit Messias, Luc. 1. v. 17.
sed quia Judæos sinistrè id intelligere a-
nimadvertebat, & pro Elia Thesbite eum
habebant, quem reversurum & visibiliter
in terris versaturum opinabantur, rotun-
dè confitetur inquiens: Non sum Elias,
neque Prophetæ.

Ita & nos ingenuè profiteamur oportet,
ut sermo noster, est est, non non sit, quod
autem his abundantius est, à malo est,
Matth. 5. v. 37. & pertinet ad nequitiam ho-
minum & astutiam, ad circumventionem
erroris, Eph. 4. v. 14.

4. In-